

স্বরাষ্ট্র মন্ত্রণালয়ের সুরক্ষা সেবা বিভাগের আওতায় ২০২২-২০২৩ অর্থবছরে বাস্তবায়নাধীন এডিপিভুক্ত উন্নয়ন প্রকল্পসমূহের অক্টোবর, ২০২২ মাস পর্যন্ত বাস্তবায়ন অগ্রগতি সংক্রান্ত মাসিক পর্যালোচনা সভার কার্যবিবরণী:

সভাপতি	মোঃ আবদুল্লাহ আল মাসুদ চৌধুরী সচিব
সভার তারিখ	৩০/১১/২০২২ খ্রি:
সভার সময়	সকাল ১০.০০ ঘটিকা
স্থান	Zoom Online Platform
উপস্থিতি	পরিশিষ্ট 'ক'

সভাপতি জুম প্লাটফরমে সংযুক্ত সকল কর্মকর্তা, সংস্থা প্রধান এবং প্রকল্প পরিচালকগণকে স্বাগত জানিয়ে সভার কাজ শুরু করেন। সুরক্ষা সেবা বিভাগের আওতায় বাস্তবায়নাধীন প্রকল্পসমূহের বাস্তবায়ন কার্যক্রম নির্দিষ্ট সময়ের মধ্যে কর্মপরিকল্পনা অনুযায়ী বাস্তবায়ন করা এবং চলমান প্রকল্পের ক্রয় কার্যক্রম বার্ষিক অনুমোদিত ক্রয় পরিকল্পনা অনুযায়ী স্বচ্ছতার সাথে সম্পাদনের লক্ষ্যে প্রয়োজনীয় পদক্ষেপ গ্রহণ করার জন্য প্রকল্প পরিচালক, সংস্থা প্রধানসহ সংশ্লিষ্ট সকল কর্মকর্তাকে নির্দেশনা প্রদান করেন। ২০২২-২৩ অর্থবছরে সুরক্ষা সেবা বিভাগ কর্তৃক বাস্তবায়নাধীন চলমান ১৩টি প্রকল্পের কর্মপরিকল্পনার আর্থিক লক্ষ্যমাত্রা ও ভৌত অগ্রগতির বাস্তব অর্জন; প্রকল্প সুষ্ঠুভাবে বাস্তবায়নের প্রতিবন্ধকতাসমূহ চিহ্নিতকরণ এবং তা থেকে উত্তরণের সম্ভাব্য সমাধানকল্পে বিগত মাসের এডিপি সভার সিদ্ধান্তের প্রেক্ষিতে বাস্তব অগ্রগতি এবং প্রকল্প ভিত্তিক সার্বিক তথ্যাদি উপস্থাপনের জন্য অতিরিক্ত সচিব (উন্নয়ন) মহোদয়কে অনুরোধ করা হয়।

০২। অতিরিক্ত সচিব (উন্নয়ন) বলেন যে, গত ২৩ অক্টোবর, ২০২২ তারিখে অনুষ্ঠিত এডিপি সভার কার্যবিবরণী সংশ্লিষ্ট সকলের নিকট প্রেরণ করা হয়েছে। কার্যবিবরণীতে কোন পর্যবেক্ষণ বা সংশোধনী প্রস্তাব না থাকায় তা সর্বসম্মতিক্রমে দৃঢ় করা হয়।

০৩। অতিরিক্ত সচিব (উন্নয়ন) সভাকে অবহিত করেন যে, ২০২২-২০২৩ অর্থবছরের বার্ষিক উন্নয়ন কর্মসূচি (এডিপি) তে সুরক্ষা সেবা বিভাগের ১৩টি প্রকল্পের অনুকূলে ১৫৮৪.৩৩ কোটি টাকা বরাদ্দ রয়েছে যার মধ্যে জিওবি অর্থের পরিমাণ ১৫৭০.৫১ কোটি টাকা এবং প্রকল্প সহায়তা ১৩.৮২ কোটি টাকা। বরাদ্দকৃত অর্থ হতে অক্টোবর, ২০২২ পর্যন্ত ৪৭৩.৩৫ কোটি টাকা অবমুক্ত করা হয়েছে, যা বরাদ্দের ২৯.৮৮%। অক্টোবর, ২০২২ পর্যন্ত ব্যয় হয়েছে ৮৪.৫২ কোটি টাকা যা মোট এডিপি বরাদ্দের ৫.৩৩% এবং অবমুক্তকৃত অর্থের ১৭.৮৬%।

০৪। সভার এ পর্যায়ে অতিরিক্ত সচিব (উন্নয়ন) সংস্থাওয়ারী প্রকল্পের বাস্তবায়ন অগ্রগতি তুলে ধরে তিনি বলেন যে, ২০২২-২০২৩ অর্থবছরের এডিপিতে ফায়ার সার্ভিস ও সিভিল ডিফেন্স অধিদপ্তর (এফএসসিডি) কর্তৃক বাস্তবায়নাধীন ০২টি প্রকল্পের অনুকূলে মোট বরাদ্দ ২০০.৯১ কোটি টাকা এবং অক্টোবর ২০২২ পর্যন্ত অবমুক্ত করা হয়েছে ৪৩.৭৩ কোটি টাকা যা বরাদ্দের ২১.৭৬%। প্রকল্পের অনুকূলে অক্টোবর ২০২২ পর্যন্ত ব্যয় হয়েছে মোট ২৪.৫২ কোটি টাকা যা বরাদ্দের ১২.২০%। ইমিগ্রেশন ও পাসপোর্ট অধিদপ্তরের ০২টি প্রকল্পের অনুকূলে বরাদ্দ ৫৪০.২০ কোটি টাকা। অক্টোবর ২০২২ পর্যন্ত অর্থ অবমুক্ত হয়েছে ২৬০.৬৪ কোটি টাকা যা বরাদ্দের ৪৮.২৫%। প্রকল্প দুটির অনুকূলে অক্টোবর ২০২২ পর্যন্ত ব্যয় হয়েছে

২০.২৫ কোটি টাকা যা বরাদ্দের ৩.৭৫%। কারা অধিদপ্তরের ০৮টি প্রকল্পের অনুকূলে এডিপি বরাদ্দ ৮৪৩.২২ কোটি টাকা। অক্টোবর ২০২২ পর্যন্ত অর্থ অবমুক্ত করা হয়েছে ১৬৮.৯৯ কোটি টাকা যা বরাদ্দের ২০.০৪%। ০৮টি প্রকল্পের অনুকূলে অক্টোবর ২০২২ পর্যন্ত ব্যয় হয়েছে ৩৯.৭৫ কোটি টাকা যা বরাদ্দের ৪.৭১%।

#### ০৫। ফায়ার সার্ভিস ও সিভিল ডিফেন্স অধিদপ্তরের প্রকল্পসমূহ:

#### (ক) ১১টি মডার্ন ফায়ার সার্ভিস ও সিভিল ডিফেন্স স্টেশন স্থাপন প্রকল্প:

##### আলোচনাঃ

অতিরিক্ত সচিব (উন্নয়ন) সভাকে জানান যে, জানুয়ারি ২০১৯ হতে জুন ২০২৩ মেয়াদে ৬১৭.১৯ কোটি টাকা প্রাক্কলিত ব্যয়ে প্রকল্পটি বাস্তবায়িত হচ্ছে। এ প্রকল্পের অক্টোবর, ২০২২ পর্যন্ত ক্রমপুঞ্জিত ব্যয় হয়েছে ৪৭০.২২ কোটি টাকা। প্রকল্পের ক্রমপুঞ্জিত আর্থিক অগ্রগতি ৭৬% এবং ভৌত অগ্রগতি ৮০%। প্রকল্পটিকে অর্থ বিভাগ কর্তৃক ০৩/০৭/২০২২ তারিখে 'বি' ক্যাটাগরিতে অন্তর্ভুক্ত করা হয়েছে। চলতি অর্থ বছরে এ প্রকল্পের এডিপি বরাদ্দ ১৭৫.০০ কোটি টাকা এবং অর্থ অবমুক্ত হয়েছে ৪৩.৭৩ কোটি টাকা যা এডিপি বরাদ্দের ২৪.৯৯%। অক্টোবর, ২০২২ পর্যন্ত ব্যয় হয়েছে ২৪.৫২ কোটি টাকা যা এডিপি বরাদ্দের ১৪.০১%।

প্রকল্প পরিচালক সভাকে অবহিত করেন যে, নারায়ণগঞ্জ জেলার শিবু মার্কেট ফতুল্লা, মডার্ন ফায়ার স্টেশনের সংশ্লিষ্ট ঠিকাদারের আকস্মিক মৃত্যুর কারণে জুলাই/২০২২ হতে সাইটে কাজ বন্ধ রয়েছে। কাজটির অগ্রগতি ৮% (Pile Drive) সম্পন্ন হয়েছে। উক্ত ঠিকাদারী প্রতিষ্ঠান দ্বারা প্রকল্পটি বাস্তবায়ন করা সম্ভব হবে না মর্মে নির্বাহী প্রকৌশলী, নারায়ণগঞ্জ কর্তৃক প্রকল্প দপ্তরকে অবহিত করা হয়। তৎপ্রসিক্তিতে সংশ্লিষ্ট ঠিকাদারের সাথে চুক্তি বাতিল পূর্বক অবশিষ্ট কাজের (Remaining works) পুনঃদরপত্র ২৭/১১/২০২২ তারিখে আহ্বান করা হয়েছে। গত ২১/১১/২০২২ তারিখে নির্বাহী প্রকৌশলী, নারায়ণগঞ্জ কর্তৃক আরোও অবহিত করেন যে, অবশিষ্ট কাজের গুনগত মান বজায় রেখে সার্বিকভাবে সুষ্ঠু ও সুন্দরভাবে কাজটি সমাপ্ত করার জন্য প্রকল্পের মেয়াদ বৃদ্ধির প্রয়োজন। নির্ধারিত সময়ের মধ্যে কাজ শেষ হবে কিনা সভাপতি জানতে চাইলে তত্ত্বাবধায়ক প্রকৌশলী বলেন যে, নতুন ঠিকাদার নিয়োগ দেওয়া হয়েছে, কাজের গুনগত মান বজায় রেখে কাজটি সমাপ্ত করার জন্য প্রকল্পের মেয়াদ বৃদ্ধি করা প্রয়োজন।

সভায় ১১ মডার্ন প্রকল্পের প্রকল্প পরিচালক আরো জানান যে, গাজীপুর জেলার রাজেন্দ্রপুর চৌরাস্তা ও কোনাবাড়ি মডার্ন ফায়ার স্টেশনের নির্মাণ কাজ প্রদেয় কর্মপরিকল্পনা অনুযায়ী কার্যক্রম বাস্তবায়ন হচ্ছে। তিনি বলেন, ৪টি মডার্ন ফায়ার স্টেশনের পূর্ত কাজ সমাপ্ত হয়েছে এবং ৬টি মডার্ন ফায়ার স্টেশনের কাজ চলমান রয়েছে। ০৬টি স্টেশনের মধ্যে কাঁচপুর ব্রিজ, নারায়ণগঞ্জ (৮০%), কর্ণফুলী, চট্টগ্রাম (৮২%), কোনাবাড়ী, গাজীপুর (৪৫%), রাজেন্দ্রপুর চৌরাস্তা, গাজীপুর (৮০%), শিবুমার্কেট (ফতুল্লা), নারায়ণগঞ্জ (৮%), কালুরঘাট, চট্টগ্রাম (১৭%) কাজ শেষ হয়েছে। রূপপুর পারমাণবিক বিদ্যুৎ কেন্দ্র নির্মাণের জন্য ২৪/০৮/২০২২ তারিখে কার্যাদেশ প্রদান পূর্বক ০৮/০৯/২০২২ তারিখ হতে নির্মাণ কাজ শুরু করা হয়েছে এবং উক্ত কাজের অগ্রগতি ১২%। গত ৩১/১০/২০২২ তারিখে এ প্রকল্পের ২৩টি প্যাকেজের ৪০ প্রকার অগ্নিনির্বাপক সরঞ্জামাদি সংগ্রহের নিমিত্ত প্রাপ্ত দরপত্রসমূহ কারিগরী মূল্যায়ন কাজ সম্পন্ন হয়েছে। সভাপতি এ প্রকল্পের বাস্তবায়নের নিমিত্ত টার্গেট নির্ধারণ করে কার্যক্রম পরিচালনার নির্দেশনা প্রদান করেন।

##### সিদ্ধান্ত:

(ক) সময়াবদ্ধ (Time Bound) কর্মপরিকল্পনা মোতাবেক মাসভিত্তিক টার্গেট অনুযায়ী আর্থিক ও ভৌত অগ্রগতি অর্জন করতে হবে এবং প্রকল্প পরিচালকসহ সংশ্লিষ্ট সকলকে নিবিড়ভাবে তদারকি করতে হবে;

(খ) প্রকল্প পরিচালক নিয়মিত প্রকল্পের কাজ পরিদর্শন করবেন এবং গুনগতমান বজায় রেখে নির্ধারিত সময়ের মধ্যে

প্রকল্প বাস্তবায়ন নিশ্চিত করবেন;

(গ) ক্রয় পরিকল্পনা অনুযায়ী নির্ধারিত সময়ের অগ্নি নির্বাপক সরঞ্জামাদি সংগ্রহের জন্য প্রয়োজনীয় ব্যবস্থা গ্রহণ করতে হবে;

(ঘ) ব্যয়বৃদ্ধি ব্যতিরেকে প্রকল্পের মেয়াদ ০৬(ছয়) মাস বৃদ্ধির জন্য প্রয়োজনীয় ব্যবস্থা গ্রহণ করতে হবে।

## **(খ) Strengthening Ability of Fire Emergency Response (SAFER) Project প্রকল্প:**

### **আলোচনাঃ**

অতিরিক্ত সচিব (উন্নয়ন) সভাকে অবহিত করেন যে, বৈদেশিক কারিগরি সহায়তায় প্রকল্পটি অক্টোবর ২০১৮ হতে ডিসেম্বর ২০২২ পর্যন্ত মেয়াদে ৮০.৬২ কোটি টাকা প্রাক্কলিত ব্যয়ে বাস্তবায়িত হচ্ছে। এ প্রকল্পের অক্টোবর, ২০২২ পর্যন্ত ক্রমপুঞ্জিত ব্যয় হয়েছে ৪৮.১৭ কোটি টাকা। এ প্রকল্পের ক্রমপুঞ্জিত আর্থিক অগ্রগতি ৫৯.৭৫% এবং ভৌত অগ্রগতি ১০০%। প্রকল্পটিকে অর্থ বিভাগ কর্তৃক ০৩/০৭/২০২২ তারিখে ‘সি’ ক্যাটাগরিতে অন্তর্ভুক্ত করা হয়েছে। চলতি অর্থ বছরে এ প্রকল্পের এডিপি বরাদ্দ ২৫.৯১ কোটি টাকা এবং প্রকল্পটি ‘সি’ ক্যাটাগরিভুক্ত হওয়ায় অর্থ ছাড় করা সম্ভব হয়নি।

প্রকল্প পরিচালক বলেন যে, দুইটি ভবনের কাজ সম্পন্ন হয়েছে। কোরিয়া থেকে সরঞ্জামাদি আনা হয়েছে এবং স্থাপনের কাজ চলমান। তিনি বলেন যে, করোনা কালীন সময়ে কোরিয়াতে প্রশিক্ষণার্থীগণ হাতে কলমে প্রশিক্ষণ গ্রহণ করতে পারেনি। কোরিয়াতে তাদের হাতে কলমে আরো প্রশিক্ষণ প্রয়োজন। সঠিক প্রশিক্ষণ ছাড়া কন্ট্রোল সিস্টেম শতভাগ পরিচালনা করা সম্ভব নয়। তিনি আরো বলেন যে, প্রকল্পের অবকাঠামোগত কাজ শেষ হলেও দক্ষ জনবল ব্যতীত প্রকল্পের উদ্দেশ্য সফল হবে না। তাই দক্ষ জনবল গড়ে তোলার জন্য প্রকল্পের মেয়াদ আরো ছয় মাস থেকে একবছর বৃদ্ধি করা প্রয়োজন। সভাপতি বলেন যে, প্রকল্পের অবকাঠামো নির্মাণের কাজ সমাপ্ত হওয়ায় এবং সমঞ্জাম সংগ্রহের কাজ শেষ পর্যায়ে থাকায় প্রকল্পের মেয়াদ বৃদ্ধি করা যুক্তিযুক্ত হবে না বরং ইতোমধ্যে প্রশিক্ষণ প্রাপ্ত বিভাগীয় জনবল দ্বারা প্রকল্পটি বুঝে নিয়ে কার্যক্রম চালিয়ে যেতে হবে। সেই সাথে দ্রুততম সময়ের মধ্যে প্রকল্পের জন্য নির্ধারিত জনবলের পদ সৃজন, জনবল নিয়োগ ও প্রশিক্ষণ সমাপ্ত করার পদক্ষেপ নিতে হবে।

### **সিদ্ধান্ত:**

(ক) ইতোপূর্বে দক্ষিণ কোরিয়া ও স্থানীয়ভাবে প্রশিক্ষণ প্রাপ্ত জনবল দিয়েই কন্ট্রোল সিস্টেম চালু রাখতে হবে। প্রকল্পের মেয়াদ বৃদ্ধি করা হবে না। প্রকল্পে নির্ধারিত জনবল কাঠামো মোতাবেক পদ সৃজন, নিয়োগ ও প্রশিক্ষণের ব্যবস্থা করতে হবে;

(খ) দক্ষিণ কোরিয়া থেকে আনীত সরঞ্জামাদি দ্রুত ও যথাযথভাবে স্থাপনের কাজ সম্পন্ন করতে হবে।

## **(গ) ফায়ার সার্ভিস ও সিভিল ডিফেন্স অধিদপ্তরের বরাদ্দবিহীনভাবে (সবুজ পাতায় অন্তর্ভুক্ত) অননুমোদিত**

### **নতুন প্রকল্পসমূহ:**

ক্রম	প্রকল্পের নাম	আলোচনা ও সিদ্ধান্ত	বাস্তবায়নকারী কর্তৃপক্ষ
১.	ঢাকা বিভাগের গুরুত্বপূর্ণ ফায়ার ও সিভিল ডিফেন্স স্টেশন স্থাপন প্রকল্প (০১/০৭/২০২২ থেকে ৩০/০৬/২০২৬)	০৬/৪/২০২২ তারিখ অধিদপ্তর হতে ৪৪টি ফায়ার স্টেশন অন্তর্ভুক্ত করে (০২টি স্টেশনবিহীন উপজেলাসহ) গণপূর্ত অধিদপ্তরে ডিপিপি’র সংশ্লিষ্ট অংশ প্রেরণ করা হয়েছিল। বর্তমানে ফায়ার স্টেশন স্থাপন নীতিমালা অনুযায়ী জমির পরিমাণ বৃদ্ধি ও স্টেশন ভবনের নকশা সংশোধন হওয়ার কারণে পুনরায় অধিদপ্তর সংশ্লিষ্ট ডিপিপি’র অংশ প্রস্তুত করে পূর্ণাঙ্গ ডিপিপি প্রণয়নের জন্য গত ০৪/১০/২০২২ তারিখে গণপূর্ত অধিদপ্তরে প্রেরণ করা হয়েছে। গণপূর্ত অধিদপ্তরে ডিপিপি প্রণয়নের কাজ চলমান রয়েছে। আগামী ডিসেম্বর ২০২২ এর মধ্যে ডিপিপি প্রণয়ন কাজ সম্পন্ন করে সুরক্ষা সেবা বিভাগে প্রেরণ করতে হবে।	ফায়ার সার্ভিস ও সিভিল ডিফেন্স অধিদপ্তর এবং গণপূর্ত অধিদপ্তর

২.	দেশের গুরুত্বপূর্ণ ৫১টি স্থানে ফায়ার সার্ভিস ও সিভিল ডিফেন্স স্টেশন স্থাপন প্রকল্প (মার্চ ২০২২ হতে জুন ২০২৫)	গণপূর্ত অধিদপ্তর কর্তৃক খসড়া ডিপিপি প্রণয়ন করা হয়েছে, যা যাচাইয়াত্তে নভেম্বর ২০২২ এর মধ্যে সুরক্ষা সেবা বিভাগে প্রেরণ করতে হবে।	ফায়ার সার্ভিস ও সিভিল ডিফেন্স অধিদপ্তর
৩.	ফায়ার সার্ভিস ও সিভিল ডিফেন্স অধিদপ্তরের কর্মকর্তা কর্মচারীদের জন্য ০৬টি বহুতল আবাসিক ভবন নির্মাণ প্রকল্প (০১/০৭/২০২২ হতে ৩০/০৬/২০২৫)	স্বরাষ্ট্র মন্ত্রণালয়ের সুরক্ষা সেবা বিভাগের আওতায় ২০২২-২৩ অর্থবছরের বাস্তবায়নধীন এডিপিভুক্ত উন্নয়ন প্রকল্পসমূহের আগস্ট ২০২২ মাস পর্যন্ত বাস্তবায়ন অগ্রগতি সংক্রান্ত মাসিক পর্যালোচনা সভায় “ফায়ার সার্ভিস ও সিভিল ডিফেন্স অধিদপ্তরের প্রস্তাবিত কর্মকর্তা ও কর্মচারীদের জন্য ৬টি বহুতল আবাসিক ভবন নির্মাণের পরিবর্তে ০২টি আবাসিক ভবন নির্মাণের জন্য সিদ্ধান্ত গৃহীত হয়। উক্ত সিদ্ধান্তের আলোকে ৬৩.৪২১৬ কোটি টাকা প্রাক্কলিত ব্যয়ে ডিপিপি প্রণয়ন করে গত ০৮/১১/২০২২ তারিখে সুরক্ষা সেবা বিভাগে প্রেরণ করা হয়। গত ২১/১১/২০২২ তারিখে সুরক্ষা সেবা বিভাগ হতে কতিপয় পর্যবেক্ষণসহ ডিপিপি ফায়ার সার্ভিস ও সিভিল ডিফেন্স অধিদপ্তরে ফেরত দেয়া হয়েছে।	ফায়ার সার্ভিস ও সিভিল ডিফেন্স অধিদপ্তর
৪.	ফায়ার সার্ভিস ও সিভিল ডিফেন্স অধিদপ্তরের অ্যাম্বুলেন্স সেবা সম্প্রসারণ (ফেইজ-২) প্রকল্প (০১/০৭/২০২২ হতে ৩০/১২/২০২৫)	ফায়ার সার্ভিস ও সিভিল ডিফেন্স অধিদপ্তর এর অ্যাম্বুলেন্স সেবা সম্প্রসারণ (ফেইজ-২) শীর্ষক প্রকল্পের ডিপিপির উপর গত ১৫-১১-২০২১ তারিখে পিইসি সভা অনুষ্ঠিত হয়। উক্ত সভার সিদ্ধান্তের আলোকে ডিপিপি পুনর্গঠন করে গত ১১-০১-২০২২ তারিখে পরিকল্পনা কমিশনে প্রেরণ করা হয়। পরিকল্পনা কমিশন হতে ০৫/০৬/২০২২ তারিখে TO&E ও জনবল নিয়োগের হালনাগাদ তথ্য চাওয়ার প্রেক্ষিতে এ অধিদপ্তর হতে তথ্যের জবাব ১৯/৭/২০২২ তারিখে সুরক্ষা সেবা বিভাগে প্রেরণ করা হয়। সুরক্ষা সেবা বিভাগ হতে ১১/৮/২০২২ তারিখে পরিকল্পনা কমিশনে প্রেরণ করা হয়। ডলারের মূল্য বৃদ্ধি, প্রকল্পের বাস্তবায়নকাল সংশোধন এবং অ্যাম্বুলেন্স শেড নির্মাণের জন্য গণপূর্ত বিভাগের পূর্ত কাজের রেট শিডিউল সংশোধন হওয়ার কারণে ২১-০৮-২০২২ তারিখে ডিপিপি ফেরত পাওয়ার জন্য সুরক্ষা সেবা বিভাগে পত্র প্রেরণ করা হয়। তৎপ্রেক্ষিতে ০৬/০৯/২০২২ তারিখে পরিকল্পনা কমিশন, সুরক্ষা সেবা বিভাগকে প্রকল্পের জনবল সম্পর্কিত তথ্য সন্নিবেশিত করে ডিপিপি পুনর্গঠন করে পুনরায় প্রেরণের জন্য অনুরোধ জানান। সে অনুযায়ী ডিপিপি পুনর্গঠন করে ১৪/১১/২০২২ তারিখ সুরক্ষা সেবা বিভাগে প্রেরণ করা হয়েছে। পরিকল্পনা কমিশনের প্রেরণের নিমিত্ত ইতোমধ্যে নথি উপস্থাপিত হয়েছে।	সুরক্ষা সেবা বিভাগ ও পরিকল্পনা কমিশন।

#### ০৬। মাদকদ্রব্য নিয়ন্ত্রণ অধিদপ্তরের প্রকল্পসমূহ:

(ক) ঢাকা কেন্দ্রীয় মাদকাসক্তি নিরাময় কেন্দ্র আধুনিকীকরণ প্রকল্প:

#### আলোচনাঃ

অতিরিক্ত সচিব (উন্নয়ন) সভাকে জানান যে, জুলাই ২০২২ হতে জুন ২০২৫ মেয়াদে ১৬২.৩৪১৪ কোটি টাকা প্রাক্কলিত ব্যয়ে প্রকল্পটি বাস্তবায়িত হচ্ছে। এ প্রকল্পটি গত ০২.০৮.২০২২ তারিখে একনেকে অনুমোদিত হয়েছে। পরিকল্পনা বিভাগের এনইসি-একনেক ও সমন্বয় অনুবিভাগ থেকে ১৭/১০/২০২২ তারিখে প্রকল্পটির অনুমোদনের আদেশ জারি করা হয়েছে এবং সুরক্ষা সেবা বিভাগ থেকে ২৫/১০/২০২২ তারিখে প্রকল্পটির প্রশাসনিক অনুমোদন (জিও) জারি করা হয়েছে।

ইতোমধ্যে মাদকদ্রব্য নিয়ন্ত্রণ অধিদপ্তরের একজন কর্মকর্তাকে নিজ দায়িত্বের অতিরিক্ত হিসেবে প্রকল্প পরিচালকের দায়িত্ব প্রদান করা হয়েছে। ২০২২-২০২৩ অর্থবছরে প্রকল্পের অনুকূলে ৮.০০ কোটি টাকা বরাদ্দ প্রদান করা হয়েছে।

#### সিদ্ধান্ত:

প্রকল্প পরিচালক নিয়মিত প্রকল্পের কাজ পরিদর্শন করবেন এবং গুণগতমান বজায় রেখে পিপিআর অনুযায়ী চলতি অর্থবছরে বরাদ্দকৃত অর্থ যথাযথভাবে ব্যয় নিশ্চিত করতে হবে।

#### ০৭। মাদকদ্রব্য নিয়ন্ত্রণ অধিদপ্তরের বরাদ্দবিহীনভাবে (সবুজ পাতায় অন্তর্ভুক্ত) অননুমোদিত নতুন

##### প্রকল্পসমূহ:

ক্র: নং	প্রকল্পের নাম	আলোচনা ও সিদ্ধান্ত	বাস্তবায়নকারী কর্তৃপক্ষ
১.	০৮টি বিভাগীয় শহরে এবং ১২টি জেলায় মাদকাসক্ত সনাক্তকরণে ডোপ টেস্ট প্রবর্তন (০১/০৭/২০২২ থেকে ৩০/০৬/২০২৫)	পুনর্গঠিত ডিপিপি'র উপর ১৭/০২/২০২২ তারিখে অনুষ্ঠিত ২য় যাচাই কমিটির সভা এবং ০৫/০৪/২০২২ তারিখে অনুষ্ঠিত এডিপি সভায় সিদ্ধান্ত মোতাবেক প্রকল্পের নাম পরিবর্তন করে পুনর্গঠিত ডিপিপি ২০.০৭.২০২২ তারিখে সুরক্ষা সেবা বিভাগে প্রেরণ করা হয়। পরবর্তিতে প্রকল্পের বাস্তবায়নকাল সংশোধনপূর্বক ডিপিপি পুনর্গঠন করে পুনরায় ১৬/১০/২০২২ তারিখে সুরক্ষা সেবা বিভাগে প্রেরণ করা হয়েছে। প্রকল্পটির ডিপিপি সুরক্ষা সেবা বিভাগ থেকে ০৩/১১/২০২২ তারিখে পরিকল্পনা কমিশনে প্রেরণ করা হয়েছে। পরিকল্পনা কমিশন থেকে আগামী ১১.১২.২০২২ তারিখে পিইসি সভা আহ্বান করা হয়েছে।	পরিকল্পনা কমিশন
২.	০৭টি বিভাগীয় শহরে ২০০ শয্যা বিশিষ্ট মাদকাসক্তি নিরাময় কেন্দ্র নির্মাণ (০১/০৭/২০২২ হতে ৩০/০৬/২০২৫)	পূর্বে প্রকল্পে ৫ একর জমির সংস্থান ছিল। সুরক্ষা সেবা বিভাগের সচিব মহোদয়ের নির্দেশনা মোতাবেক উক্ত প্রকল্পে ১০ একর জমির সংস্থান রাখা হয়েছে। প্রত্যেক বিভাগ থেকে ১০ একর জমি পাওয়া গেছে। জমির ডিজিটাল সার্ভে-কে বিবেচনায় নিয়ে, লে-আউট এবং স্থাপত্য নকশা প্রণয়ন করার জন্য স্থাপত্য অধিদপ্তরে পত্র প্রেরণ করা হয়েছে। স্থাপত্য অধিদপ্তর থেকে স্থাপত্য নকশা প্রণয়নপূর্বক গত ১৬/১১/২০২২ তারিখে মহাপরিচালক মহোদয়ের সদয় অনুমোদন ও প্রতিশ্রুতির জন্য অত্র অধিদপ্তরে প্রেরণ করা হয়েছে। আগামী ৩০/১১/২০২২ তারিখে এ বিষয়ে একটি সভা হয়েছে। সভার সিদ্ধান্ত স্থাপত্য অধিদপ্তরকে জানানো হয়েছে।	১। মাদকদ্রব্য নিয়ন্ত্রণ অধিদপ্তর ২। স্থাপত্য অধিদপ্তর
৩.	মাদকদ্রব্য নিয়ন্ত্রণ অধিদপ্তরের জেলা অফিস ভবন নির্মাণ (১ম পর্যায় ০৭টি) (০১/০৭/২০২২ হতে ০১/০৬/২০২৫)	উক্ত প্রকল্পের উপর গত ১২ মে, ২০২২ তারিখে প্রকল্পের যাচাই কমিটির সভা হয়েছে। যাচাই কমিটির সভার পূর্বে প্রস্তাবিত দুইটি ভবনের পরিবর্তে একটি ভবন নির্মাণ এবং উক্ত ভবনের উর্দ্ধমুখী সম্প্রসারণের সিদ্ধান্ত হয়। উক্ত প্রকল্পের উপর মাদকদ্রব্য নিয়ন্ত্রণ অধিদপ্তরের মহাপরিচালক মহোদয়ের সভাপতিত্বে ০৪/১০/২০২২ এবং ০১/১১/২০২২ তারিখে সভা অনুষ্ঠিত হয়েছে। উক্ত সভার সিদ্ধান্ত মোতাবেক স্থাপত্য অধিদপ্তরে নকশা প্রণয়নের কাজ চলমান রয়েছে।	১। মাদকদ্রব্য নিয়ন্ত্রণ অধিদপ্তর ২। স্থাপত্য অধিদপ্তর

#### ০৮। ইমিগ্রেশন ও পাসপোর্ট অধিদপ্তরের প্রকল্পসমূহ:

##### (ক) বাংলাদেশ ই-পাসপোর্ট ও স্বয়ংক্রিয় বর্ডার নিয়ন্ত্রণ ব্যবস্থাপনা প্রবর্তন প্রকল্পঃ

##### আলোচনাঃ

অতিরিক্ত সচিব (উন্নয়ন) সভায় উল্লেখ করেন যে, জুলাই ২০১৮ হতে জুন ২০২৮ মেয়াদে ৪৬৩৫.৯১ কোটি টাকা প্রাক্কলিত ব্যয়ে প্রকল্পটি বাস্তবায়িত হচ্ছে। এ প্রকল্পের অক্টোবর, ২০২২ পর্যন্ত ব্যয় হয়েছে ২৭৮৬.৭৩ কোটি টাকা। প্রকল্পের

ক্রমপুঞ্জিত আর্থিক অগ্রগতি ৬০.১১%। প্রকল্পটিকে অর্থ বিভাগ কর্তৃক ০৩/০৭/২০২২ তারিখে 'এ' ক্যাটাগরিতে অন্তর্ভুক্ত করা হয়েছে। চলতি অর্থ বছরে এ প্রকল্পের এডিপি বরাদ্দ ৪৮০.০০ কোটি টাকা এবং অর্থ অবমুক্ত হয়েছে ২৩৮.০৬ কোটি টাকা যা এডিপি বরাদ্দের ৪৯.৬০%। অক্টোবর, ২০২২ পর্যন্ত ব্যয় হয়েছে ২.৫২ কোটি টাকা যা এডিপি বরাদ্দের ০.৫২%। এ প্রকল্পের বাস্তবায়ন অগ্রগতি সম্পর্কে প্রকল্প পরিচালক বলেন যে, ইতোমধ্যে ৪৬ লক্ষের বেশি আবেদনকারীদের পাসপোর্ট সরবরাহ করা হয়েছে। স্টক ট্রেকিং-এর কাজ শেষে হয়েছে। প্রকল্পে ৩৭৭৩৩ টি আইটেম রয়েছে। কিছু আইটেম পাওয়া যায়নি। Veridos GmbH কর্তৃপক্ষকে জানানো হয়েছে। তারা এ বিষয়ে পদক্ষেপ নিবেন মর্মে প্রকল্প পরিচালক জানান। আরডিপিপি প্রণয়নের কাজ প্রায় চূড়ান্ত পর্যায়ে। ইতোমধ্যে ৩ কোটি বুকলেট আমদানি করা হয়েছে। বর্তমানে যে হারে পাসপোর্ট সরবরাহ করা হচ্ছে তাতে ২০২৪ সালে এ স্টক শেষ হয়ে যেতে পারে। প্রকল্পের মেয়াদ ২০২৮ সালে শেষ হবে। এসময়ের মধ্যে আরও অন্তত ১ কোটি ২৫ লক্ষ পাসপোর্ট বুকলেট আমদানি করা প্রয়োজন হতে পারে। তিনি আরো বলেন আমাদের ওয়ার হাউজ নির্মাণ করা হয়েছে, বুকলেট আমদানি করা হলে তা মজুদ রাখার সমস্যা হবে না। ডিজি, ডিআইপি বলেন যে, গত ১৫/১১/২০২২ তারিখে চট্টগ্রাম আন্তর্জাতিক বিমান বন্দরে ৬টি ই-গেট উন্মোচন করা হয়েছে। সিলেট ওসমানী ও বেনাপোল স্থল বন্দরে ই-গেইট স্থাপনের কার্যক্রম শেষ পর্যায়ে রয়েছে। সভাপতি জানতে চান যে, দেশের বিমান বন্দরগুলোতে যে ই-গেইট চালু করা হয়েছে তা পরিচালনা করার জন্য নিজস্ব কোন জনবল আছে কিনা। সে প্রশ্নে ডিজি, ডিআইপি বলেন শাহজালাল আন্তর্জাতিক বিমান বন্দরে ৬ জন ও চট্টগ্রাম আন্তর্জাতিক বিমান বন্দরে ১ জন মোট ৭ জন জনবল কর্মরত আছে। ই-গেইটসমূহ যথাযথভাবে পরিচালনা করার জন্য জনবলের পদ সৃজনের প্রয়োজনীয়তা রয়েছে।

#### সিদ্ধান্ত:

- (ক) ডিপিপি সংশোধনপূর্বক জরুরী ভিত্তিতে সুরক্ষা সেবা বিভাগে প্রেরণ করতে হবে;
- (খ) ই-পাসপোর্টের মালামাল সংক্রান্ত স্টক ট্রেকিং এর সমস্যাবলী নিষ্পত্তিপূর্বক বিস্তারিত প্রতিবেদন এ বিভাগে প্রেরণ করতে হবে;
- (গ) দেশের বিমান বন্দর ও স্থল বন্দর গুলোতে ই-গেট যথাযথভাবে পরিচালনা করার জন্য প্রয়োজনীয় জনবলের প্রস্তাব এ বিভাগে প্রেরণ করতে হবে;
- (ঘ) স্টক শেষ হওয়ার অন্তত ছয় মাস আগে বুকলেট সংগ্রহের প্রয়োজনীয় ব্যবস্থা গ্রহণ করতে হবে।

#### (খ) ১৬টি আঞ্চলিক পাসপোর্ট অফিস নির্মাণ প্রকল্পঃ

##### আলোচনাঃ

অতিরিক্ত সচিব (উন্নয়ন) বলেন যে, জুলাই ২০১৮ হতে ডিসেম্বর ২০২২ মেয়াদে ১২৮.৪০ কোটি টাকা প্রাক্কলিত ব্যয়ে প্রকল্পটি বাস্তবায়িত হচ্ছে। এ প্রকল্পের অক্টোবর, ২০২২ পর্যন্ত ব্যয় হয়েছে ৬৯.৭৯ কোটি টাকা। প্রকল্পের ক্রমপুঞ্জিত আর্থিক অগ্রগতি ৫৫% এবং ভৌত অগ্রগতি ৭৭%। প্রকল্পটিকে অর্থ বিভাগ কর্তৃক 'বি' ক্যাটাগরিতে অন্তর্ভুক্ত করা হয়েছে। চলতি অর্থ বছরে এ প্রকল্পের এডিপি বরাদ্দ ৬০.২০ কোটি টাকা এবং অর্থ অবমুক্ত হয়েছে ২২.৫৮ কোটি টাকা যা এডিপি বরাদ্দের ৩৭.৫০%। অক্টোবর, ২০২২ পর্যন্ত ব্যয় হয়েছে ১৭.৭৩ কোটি টাকা যা এডিপি বরাদ্দের ২৯.৪৫%।

প্রকল্প পরিচালক বলেন যে, প্রকল্পের সবগুলো আঞ্চলিক পাসপোর্ট অফিসের পূর্ত কাজের মাসভিত্তিক কর্মপরিকল্পনা প্রণয়ন করা হয়েছে। তবে কর্মপরিকল্পনা অনুযায়ী প্রকল্পের কয়েকটি আঞ্চলিক পাসপোর্ট অফিসের ভৌত অগ্রগতি কিছুটা পিছিয়ে আছে। তিনি বলেন, চট্টগ্রাম পাসপোর্ট অফিসের লিফট সংযোজন ও গণপূর্ত বিভাগের কাজ চলমান রয়েছে। গাজীপুরে তিন তলার ছাদ ঢালাই সম্পন্ন হয়েছে। প্রকল্পটি 'বি' ক্যাটাগরিভুক্ত হওয়ায় মোট বরাদ্দের ৭৫% ব্যয় করা যাবে। তিনি আরো বলেন প্রকল্পটি নির্ধারিত মেয়াদে শেষ হবে না বিধায় গত ০১/১১/২০২২ তারিখে ব্যয় বৃদ্ধি ব্যতিরেকে এক বছর মেয়াদ বৃদ্ধির প্রস্তাব আইএমইডি'তে প্রেরণ করা হয়েছে। অতিরিক্ত সচিব (উন্নয়ন) বান্দরবান সাইটের কাজে অগ্রগতি জানতে চাইলে প্রকল্প পরিচালক বলেন যে, তিন তলার ছাদ ঢালাই হয়েছে। তিনি বলেন, ঠাকুরগাঁও জেলায় মামলা জনিত কারণে পূর্ত কাজ কিছুটা পিছিয়ে আছে। তবে বর্তমানে মামলা Vacate হওয়ায় কাজের গতি বেড়েছে। তিনি বলেন যে, নাটোর

আঞ্চলিক পাসপোর্ট অফিসের ২য় ছাদ আগামী ফেব্রুয়ারী মাসের ঢালাই হয়ে যাবে। অর্থ অবমুক্ত না থাকায় পঞ্চগড় সাইটে কাজ কিছুটা ধীরগতিতে চলছে। নীলফামারীতে ২য় ছাদ ঢালাই হয়েছে। তিনি প্রকল্পের জেলা ভিত্তিক তথ্য সভায় উপস্থাপন করেন এবং রোড ম্যাপ অনুযায়ী প্রকল্পের কার্যক্রম জোরদার করা হয়েছে মর্মে সভাকে অবহিত করেন।

#### সিদ্ধান্ত:

- (ক) প্রকল্পের সময়বদ্ধ (Time Bound) কর্মপরিকল্পনা অনুযায়ী জেলা ভিত্তিক বাস্তবায়ন অগ্রগতি আগামী এডিপি সভায় উপস্থাপন করতে হবে;
- (খ) ব্যয় বৃদ্ধি ব্যতিরেকে প্রকল্পের মেয়াদ ১ (এক) বছর বাড়ানোর কার্যক্রম দ্রুত সম্পন্ন করতে হবে।

#### (গ) ইমিগ্রেশন ও পাসপোর্ট অধিদপ্তরের বরাদ্দবিহীনভাবে (সবুজ পাতায় অন্তর্ভুক্ত) অননুমোদিত নতুন

#### প্রকল্পসমূহ:

ক্র: নং	প্রকল্পের নাম	আলোচনা ও সিদ্ধান্ত	বাস্তবায়নকারী কর্তৃপক্ষ
১.	পাসপোর্ট পার্সোনালাইজেশন কমপ্লেক্স-২ উত্তরায় নির্মিতব্য বহুতল ভবন (০১/১২/২০২২ থেকে ৩০/০৬/২০২৫)	প্রকল্পের জমি অধিগ্রহণ সম্পন্ন হয়েছে। ডিপিপি প্রণয়নের কাজ চলমান। ডিপিপি প্রণয়নের কাজ আগামী ২ (দুই) সপ্তাহের মধ্যে সম্পন্ন করতে হবে।	(১) ইমিগ্রেশন ও পাসপোর্ট অধিদপ্তর (২) গণপূর্ত অধিদপ্তর (৩) স্থাপত্য অধিদপ্তর

#### ০৯। কারা অধিদপ্তর-এর প্রকল্পসমূহঃ

#### (ক) খুলনা জেলা কারাগার নির্মাণ (১ম সংশোধিত) প্রকল্প:

#### আলোচনাঃ

অতিরিক্ত সচিব (উন্নয়ন) সভাকে জানান যে, জুলাই ২০২১ হতে জুন ২০২৩ মেয়াদে ২৮৮.২৬ কোটি টাকা প্রাক্কলিত ব্যয়ে প্রকল্পটি বাস্তবায়িত হচ্ছে। এ প্রকল্পের অক্টোবর, ২০২২ পর্যন্ত ব্যয় হয়েছে ১৭৫.২৫ কোটি টাকা। প্রকল্পের ক্রমপুঞ্জিত আর্থিক অগ্রগতি ৬০.৮০% এবং ভৌত অগ্রগতি ৮০%। প্রকল্পটিকে অর্থ বিভাগ কর্তৃক ০৩/০৭/২০২২ তারিখে ‘বি’ ক্যাটাগরিতে অন্তর্ভুক্ত করা হয়েছে। চলতি অর্থ বছরে এ প্রকল্পের এডিপি বরাদ্দ ৭৫.০০ কোটি টাকা এবং অর্থ অবমুক্ত হয়েছে ১৪.০৬ কোটি টাকা যা এডিপি বরাদ্দের ১৮.৭৫%। অক্টোবর, ২০২২ পর্যন্ত ব্যয় হয়েছে ২.৩৭ কোটি টাকা যা এডিপি বরাদ্দের ৩.১৬%। তিনি বলেন যে, গত মাসে তিনি প্রকল্প এলাকা পরিদর্শন করেন। প্রকল্প পরিচালক বলেন, অতিরিক্ত সচিব(উন্নয়ন)-এর নির্দেশনা অনুযায়ী প্রকল্পের কার্যক্রম অব্যাহত রয়েছে।

#### সিদ্ধান্তঃ

- (ক) প্রকল্পের কর্মপরিকল্পনা তৈরী করতে হবে এবং কর্মপরিকল্পনা অনুযায়ী কাজ শেষ করতে হবে। প্রকল্পের মেয়াদ বৃদ্ধির প্রবণতা পরিহার করতে হবে;
- (খ) নির্দিষ্ট মেয়াদে প্রকল্পটির বাস্তবায়ন কার্যক্রম সম্পন্ন করার জন্য সংশ্লিষ্ট সকলের প্রকল্প এলাকা সরেজমিনে পরিদর্শন করতে হবে;
- (গ) বার্ষিক ক্রয় পরিকল্পনা অনুযায়ী প্রকল্পের অবশিষ্ট আইটেমসমূহের ক্রয় কার্যক্রম দ্রুত সম্পন্ন করতে হবে;

#### (খ) কারা প্রশিক্ষণ একাডেমী, রাজশাহী নির্মাণ প্রকল্প:

### আলোচনাঃ

অতিরিক্ত সচিব (উন্নয়ন) সভাকে জানান যে, জুলাই ২০১৫ হতে জুন ২০২৩ মেয়াদে ৯৮.৭৯ কোটি টাকা প্রাক্কলিত ব্যয়ে প্রকল্পটি বাস্তবায়িত হচ্ছে। এ প্রকল্পের অক্টোবর, ২০২২ পর্যন্ত এ প্রকল্পে ব্যয় হয়েছে ৫০.৭১ কোটি টাকা। প্রকল্পের ক্রমপুঞ্জিত আর্থিক অগ্রগতি ৫১.৩৩% এবং ভৌত অগ্রগতি ৬০%। প্রকল্পটিকে অর্থ বিভাগ কর্তৃক ০৩/০৭/২০২২ তারিখে 'এ' ক্যাটাগরিতে অন্তর্ভুক্ত করা হয়েছে। চলতি অর্থ বছরে এ প্রকল্পের এডিপি বরাদ্দ ১৫.০০ কোটি টাকা এবং অর্থ অবমুক্ত হয়েছে ২.৭২ কোটি টাকা যা এডিপি বরাদ্দের ১৮.১৩%। অক্টোবর, ২০২২ পর্যন্ত ব্যয় হয়েছে ২.২৩ কোটি টাকা যা বরাদ্দের ১৪.৮৫%। প্রকল্প পরিচালক জানান যে, এ প্রকল্পের সকল অঞ্জের টেন্ডার সম্পন্ন হয়েছে এবং ডিপিপিতে যেসকল ক্রয় সংক্রান্ত বিষয়গুলোর অনুমোদনকারী কর্তৃপক্ষ প্রকল্প পরিচালক-কে দেওয়া হয়েছে সেগুলোর ক্রয় কার্যক্রম সম্পন্ন করার জন্য ইতোমধ্যে গণপূর্ত অধিদপ্তরে পত্র প্রেরণ করা হয়েছে কারণ প্রকল্প পরিচালকের কার্যালয়ে ক্রয় কার্যক্রম সম্পন্ন করার মত পর্যাপ্ত জনবল নেই। তিনি বলেন যে, কম্পিউটার ও আসবাবপত্র খাতে অর্থ বিভাগ কর্তৃক জারীকৃত পরিপত্রে ৫০% ব্যয় করার নির্দেশনা থাকায় প্রকল্প বাস্তবায়নে জটিলতা বাড়ছে।

### সিদ্ধান্ত:

- (ক) অর্থ বিভাগের সাথে পরামর্শক্রমে বিদ্যমান ক্রয় সংক্রান্ত জটিলতা নিরসনে কার্যকর পদক্ষেপ গ্রহণ করতে হবে।
- (খ) মাসভিত্তিক নতুন কর্মপরিকল্পনা অনুযায়ী প্রকল্পের কার্যক্রম তদারকি জোরদার করতে হবে;
- (গ) প্রকল্পের কার্যক্রম নির্ধারিত সময়ে কাজ শেষ করতে হবে।

### (গ) ময়মনসিংহ কেন্দ্রীয় কারাগার সম্প্রসারণ ও আধুনিকীকরণ প্রকল্প:

### আলোচনাঃ

প্রকল্প পরিচালক সভাকে জানান যে, জুলাই ২০১৫ হতে জুন ২০২২ মেয়াদে ১২৭.৬১ কোটি টাকা প্রাক্কলিত ব্যয়ে প্রকল্পটি বাস্তবায়িত হচ্ছে। এ প্রকল্পের অক্টোবর, ২০২২ পর্যন্ত ব্যয় হয়েছে ৮৩.০৫ কোটি টাকা। প্রকল্পের ক্রমপুঞ্জিত আর্থিক অগ্রগতি ৬৫.০৮% এবং ভৌত অগ্রগতি ৮০%। প্রকল্পটিকে অর্থ বিভাগ কর্তৃক ০৩/০৭/২০২২ তারিখে 'বি' ক্যাটাগরিতে অন্তর্ভুক্ত করা হয়েছে। চলতি অর্থ বছরে এ প্রকল্পের এডিপি বরাদ্দ ৪০.০০ কোটি টাকা। তিনি আরো জানান, প্রকল্পের সংশোধিত ডিপিপি অনুমোদনের জন্য পরিকল্পনা কমিশনে প্রেরণ করা হয়েছে।

### সিদ্ধান্ত:

- (ক) সংশোধিত ডিপিপি দ্রুততার সাথে অনুমোদনের জন্য পরিকল্পনা কমিশনের সাথে সমন্বয় করতে হবে;
- (খ) মনিটরিং কার্যক্রম আরো জোরদার করতে হবে।

### (ঘ) কারা নিরাপত্তা আধুনিকায়ন (টাকা, চট্টগ্রাম ও ময়মনসিংহ বিভাগ) প্রকল্প:

### আলোচনাঃ

প্রকল্প পরিচালক সভাকে জানান যে, জানুয়ারি ২০১৬ হতে জুন ২০২২ মেয়াদে ৪৯.৯৮ কোটি টাকা প্রাক্কলিত ব্যয়ে প্রকল্পটি বাস্তবায়নের জন্য নির্ধারিত ছিল। এ প্রকল্পের অক্টোবর, ২০২২ পর্যন্ত ব্যয় হয়েছে ২৭.৩২ কোটি টাকা। প্রকল্পের ক্রমপুঞ্জিত আর্থিক অগ্রগতি ৫৪.৬৬% এবং ভৌত অগ্রগতি ১০০%। প্রকল্পটিকে অর্থ বিভাগ কর্তৃক ০৩/০৭/২০২২ তারিখে 'বি' ক্যাটাগরিতে অন্তর্ভুক্ত করা হয়েছে। চলতি অর্থ বছরে এ প্রকল্পের এডিপি বরাদ্দ ০.০১ কোটি টাকা। গত অর্থবছরে প্রকল্পের বাস্তবায়ন মেয়াদ সমাপ্ত করার লক্ষ্যমাত্রা থাকলেও প্রকল্পের অন্যতম অঙ্গ জ্যামার ক্রয় সম্পন্ন না হওয়ায় প্রকল্প সমাপ্ত হবে না বিবেচনায় প্রকল্পের বাস্তবায়ন মেয়াদ ব্যয় বৃদ্ধি ব্যতিরেকে জুন, ২০২৩ পর্যন্ত বৃদ্ধির প্রস্তাব করা হয়েছে। প্রকল্প পরিচালক বলেন, এ প্রকল্পের আওতায় জ্যামার ক্রয় ব্যতীত এ পর্যন্ত ক্রয়/সরবরাহকৃত যন্ত্রপাতি ৩২টি কারাগারে স্থাপন করা হয়েছে।



## সিদ্ধান্ত:

(ক) Comprehensive Mobile Phone Jammer গতানুগতিক পণ্যের বাইরে একটি বিশেষ ধরনের পণ্য এবং এটি সম্পূর্ণ বিদেশ থেকে আমদানি করতে হবে। তাই মাননীয় মন্ত্রী মহোদয়ের নির্দেশনা মোতাবেক ডিপিএম পদ্ধতিতে ক্রয় কার্যক্রম নির্দিষ্ট সময়ের মধ্যে সম্পন্ন করতে হবে;

(খ) প্রকল্পের মেয়াদ বার বার বৃদ্ধির প্রবণতা পরিহার করতে হবে।

## (ঙ) পুরাতন ঢাকা কেন্দ্রীয় কারাগার এর ইতিহাস, ঐতিহাসিক ভবন সংরক্ষণ ও পারিপার্শ্বিক উন্নয়ন প্রকল্প:

### আলোচনাঃ

অতিরিক্ত সচিব (উন্নয়ন) সভাকে জানান যে, জুলাই ২০১৮ হতে ডিসেম্বর ২০২২ মেয়াদে ৬০৭.৩৬ কোটি টাকা প্রাক্কলিত ব্যয়ে প্রকল্পটি বাস্তবায়িত হচ্ছে। এ প্রকল্পের অক্টোবর, ২০২২ পর্যন্ত ব্যয় হয়েছে ৭২.৮৪ কোটি টাকা। প্রকল্পের ক্রমপুঞ্জিত আর্থিক অগ্রগতি ১২% এবং ভৌত অগ্রগতি ১৮%। প্রকল্পটিকে অর্থ বিভাগ কর্তৃক ০৩/০৭/২০২২ তারিখে ‘বি’ ক্যাটাগরিতে অন্তর্ভুক্ত করা হয়েছে। চলতি অর্থ বছরে এ প্রকল্পের এডিপি বরাদ্দ ৩৯৮.২১ কোটি টাকা এবং অর্থ অবমুক্ত হয়েছে ৯৭.৮৩ কোটি টাকা যা এডিপি বরাদ্দের ২৪.৫৭%। অক্টোবর, ২০২২ পর্যন্ত ব্যয় হয়েছে ১৭.৯৪ কোটি টাকা যা এডিপি বরাদ্দের ৪.৫১%। প্রকল্প পরিচালক সভাকে বলেন যে, ০১/১২/২০২২ তারিখ প্রকল্পের যাচাই কমিটির সভা আহ্বান করা হয়েছে। প্রকল্পের আওতায় তিনটি জোন অর্থাৎ ‘এ’, ‘বি’ ও ‘সি’ জোনে ভাগ করে কাজ করা হচ্ছে। জোন ‘বি’ ও ‘সি’-এর কাজ পূর্ণগতিতে চলছে। তবে জোন ‘এ’ এর কার্যক্রম ডিপিপি সংশোধনের পরে শুরু করা যাবে। তিনি বলেন, প্রকল্পের কাজ ২০% সম্পন্ন হয়েছে এবং প্রকল্পের কার্যক্রম কর্মপরিকল্পনা অনুযায়ী চলমান রয়েছে এবং তা নিয়মিত পরিবীক্ষণ করা হচ্ছে। তিনি বলেন, ডিসেম্বর, ২০২২ মেয়াদ শেষ হবে। প্রকল্পের কাজ অব্যাহত রাখার জন্য পরিকল্পনা কমিশন হতে পূর্বানুমোদন দারকার। তিনি আরো বলেন, প্রকল্পের কাজ গতিশীল রাখার জন্য আউটসোর্সিং চালু রাখার ব্যবস্থা করতে হবে। অতিরিক্ত সচিব (উন্নয়ন) বলেন, এ প্রকল্পের নকশা মাননীয় প্রধানমন্ত্রীর নিকট উপস্থাপনের জন্য ব্যবস্থা গ্রহণ করা হয়েছে। সভাপতি বলেন যে, একনেক সভার সিদ্ধান্ত অনুযায়ী নকশা অনুমোদনের বিষয়ে মাননীয় প্রধানমন্ত্রীর নিকট উপস্থাপন করতে হবে। কারা মহাপরিদর্শক বলেন যে, প্রকল্প এলাকার প্রত্নতাত্ত্বিক নিদর্শন সংরক্ষণের লক্ষ্যে পুরাতন ঢাকা কেন্দ্রীয় কারাগার খনন কার্য পরিচালনা সংক্রান্ত প্রতিবেদন পাওয়া গিয়েছে। সভাপতি পরবর্তী কারিগরী কমিটির সভায় উক্ত প্রতিবেদন উপস্থাপনের জন্য নির্দেশনা প্রদান করেন।

## সিদ্ধান্ত:

(ক) পুনর্গঠিত ডিপিপি অনুমোদনের প্রক্রিয়া ত্বরান্বিত করার জন্য সংশ্লিষ্ট সকলকে উদ্যোগ গ্রহণ করতে হবে;

(খ) প্রকল্পের সার্বিক কার্যক্রম কর্মপরিকল্পনা অনুযায়ী যথাযথভাবে দ্রুততার সাথে শেষ করতে হবে;

(গ) নকশা অনুমোদনের বিষয়ে মাননীয় প্রধানমন্ত্রীর নিকট উপস্থাপন করতে হবে।

## (চ) কুমিল্লা কেন্দ্রীয় কারাগার পুনঃনির্মাণ প্রকল্প:

### আলোচনাঃ

অতিরিক্ত সচিব (উন্নয়ন) সভাকে জানান যে, জানুয়ারি ২০১৯ হতে ডিসেম্বর ২০২২ মেয়াদে ৬২৪.৯৮ কোটি টাকা প্রাক্কলিত ব্যয়ে প্রকল্পটি বাস্তবায়িত হচ্ছে। এ প্রকল্পের অক্টোবর, ২০২২ পর্যন্ত ব্যয় হয়েছে ৯৭.৪০ কোটি টাকা। প্রকল্পের ক্রমপুঞ্জিত আর্থিক অগ্রগতি ১৫.৫৮% এবং ভৌত অগ্রগতি ২০%। প্রকল্পটিকে অর্থ বিভাগ কর্তৃক ০৩/০৭/২০২২ তারিখে ‘বি’ ক্যাটাগরিতে অন্তর্ভুক্ত করা হয়েছে। চলতি অর্থ বছরে এ প্রকল্পের এডিপি বরাদ্দ ১০০.০০ কোটি টাকা এবং অর্থ অবমুক্ত হয়েছে ১৮.৭৫ কোটি টাকা যা এডিপি বরাদ্দের ১৮.৭৫%। অক্টোবর, ২০২২ পর্যন্ত ব্যয় হয়েছে ১৭.১৪ কোটি টাকা যা এডিপি বরাদ্দের ১৭.১৪%। প্রকল্প পরিচালক বলেন যে, প্রকল্পটি ‘বি’ ক্যাটাগরিভুক্ত হওয়ায় বরাদ্দের ৭৫% ব্যয় করা যাবে।

২য় কিস্তির অর্থ ছাড় হয়নি। তিনি আরও বলে প্রকল্পের নির্মাণ কাজের অগ্রগতি সম্পর্কে জানান যে, ক্রয় পরিকল্পনা অনুযায়ী পূর্ত কাজের ১৩টি প্যাকেজের মধ্যে ৭টি প্যাকেজের কাজ চলমান রয়েছে। ২টি প্যাকেজের Estimate সম্পন্ন হয়েছে এবং দুতই টেন্ডারআহ্বানকরা হবে। তিনি আরও বলেন যে, প্রকল্পের মেয়াদ ডিসেম্বর, ২০২২-এর মধ্যে শেষ হবে। তাই মেয়াদ বৃদ্ধি করা দরকার। এ প্রেক্ষিতে যুগ্মসচিব (পরিকল্পনা অধিশাখা) বলেন সংশোধিত ডিপিপিমে মেয়াদ বৃদ্ধির বিষয়টি অন্তর্ভুক্ত আছে। আলাদাভাবে মেয়াদ বৃদ্ধির প্রয়োজন নেই।

#### সিদ্ধান্ত:

- (ক) প্রকল্পের আরডিপিপি অনুমোদনের প্রক্রিয়া ত্বরান্বিত করার জন্য সংশ্লিষ্ট সকলকে উদ্যোগ গ্রহণ করতে হবে;
- (খ) সময়াবদ্ধ (Time bound) কর্মপরিকল্পনা মোতাবেক টার্গেট অনুযায়ী ভৌত ও আর্থিক অগ্রগতি অর্জন করতে হবে এবং একাধিক বার প্রকল্পের মেয়াদ বৃদ্ধির প্রবণতা পরিহার করতে হবে।

#### (ছ) নরসিংদী জেলা কারাগার নির্মাণ প্রকল্প:

##### আলোচনাঃ

অতিরিক্ত সচিব (উন্নয়ন) সভাকে জানান যে, অক্টোবর, ২০১৯ হতে জুন ২০২৪ মেয়াদে ৩২৬.৯৮ কোটি টাকা প্রাক্কলিত ব্যয়ে প্রকল্পটি বাস্তবায়িত হচ্ছে। এ প্রকল্পের অক্টোবর, ২০২২ পর্যন্ত ব্যয় হয়েছে ১০০.৬০ কোটি টাকা। প্রকল্পের ক্রমপুঞ্জিত আর্থিক অগ্রগতি (৩০.৭৭%) এবং ভৌত অগ্রগতি ৩০.৭৭%। প্রকল্পটিকে অর্থ বিভাগ কর্তৃক ০৩/০৭/২০২২ তারিখে ‘সি’ ক্যাটাগরিতে অন্তর্ভুক্ত করা হয়েছে। চলতি অর্থ বছরে এ প্রকল্পের এডিপি বরাদ্দ ১২০.০০ কোটি টাকা। প্রকল্প পরিচালক বলেন যে, প্রকল্পটি ‘সি’ ক্যাটাগরিভুক্ত হওয়ায় অর্থছাড় করা সম্ভব হচ্ছে না। অর্থ ছাড় না হওয়ায় এ প্রকল্পের কর্মকর্তা ও কর্মচারীদের বেতন-ভাতা ও ঠিকাদারের চলমান কাজের বিল পরিশোধ করা সম্ভব হচ্ছে না। সভাপতি বলেন যে, প্রকল্পের ক্যাটাগরি পরিবর্তনের জন্য জরুরী ভিত্তিতে অর্থ বিভাগে পত্র প্রেরণ করতে হবে।

#### সিদ্ধান্ত:

- (ক) সময়াবদ্ধ কর্মপরিকল্পনা মোতাবেক মাসভিত্তিক লক্ষ্যমাত্রা অনুযায়ী প্রকল্পের কাজ সম্পন্ন করতে হবে;
- (খ) প্রকল্পটির ক্যাটাগরি উন্নীতকরণের জন্য কার্যকর উদ্যোগ গ্রহণ করতে হবে।

#### (জ) জামালপুর জেলা কারাগার পুনঃনির্মাণ প্রকল্প:

##### আলোচনাঃ

অতিরিক্ত সচিব (উন্নয়ন) সভাকে জানান যে, জুলাই/২০২০ হতে জুন ২০২৩ মেয়াদে ২১০.০৩ কোটি টাকা প্রাক্কলিত ব্যয়ে প্রকল্পটি বাস্তবায়িত হচ্ছে। এ প্রকল্পের অক্টোবর, ২০২২ পর্যন্ত ব্যয় হয়েছে ৮.৪৯ কোটি টাকা। প্রকল্পের ক্রমপুঞ্জিত আর্থিক অগ্রগতি ৪.০৪% এবং ভৌত অগ্রগতি ৫.৫০%। প্রকল্পটিকে অর্থ বিভাগ কর্তৃক ০৩/০৭/২০২২ তারিখে ‘বি’ ক্যাটাগরিতে অন্তর্ভুক্ত করা হয়েছে। চলতি অর্থ বছরে এ প্রকল্পের এডিপি বরাদ্দ ৯৫.০০ কোটি টাকা এবং অর্থ অবমুক্ত হয়েছে ৩৫.৬৩ কোটি টাকা যা এডিপি বরাদ্দের ৩৭.৫০%। অক্টোবর, ২০২২ পর্যন্ত ব্যয় হয়েছে ০.০৭ কোটি টাকা যা এডিপি বরাদ্দের ০.০৭%। প্রকল্প পরিচালক সভাকে জানান যে, প্রকল্পের ০৭ (সাতটি) প্যাকেজের মধ্যে প্যাকেজের প্যাকেজ-১ ও ২-এর নির্মাণকাজ চলমান রয়েছে। প্যাকেজ-৩ এসটিপি-এর প্রাক্কলন করা হয়নি। শেষের দিকে করা হবে। প্যাকেজ-৪ বহি: পানি সরবরাহ চুক্তি সম্পন্ন হয়েছে। শ্রীঘ্নই কাজ শুরু হবে। বহি:গ্যাস সরবরাহ-এর একবার দরপত্র আহ্বান করা হয়েছিল কিন্তু কাঙ্ক্ষিত দর পাওয়া যায়নি। পুনরায় দরপত্র আহ্বান করা হবে। বনায়ন-এর প্রাক্কলন করা হয়নি। এটি সাধারণত শেষের দিকে করা হয়। বিদ্যুতায়ন চুক্তি সম্পন্ন হয়েছে। শ্রীঘ্নই কাজ শুরু হবে। ৭টি প্যাকেজের মধ্যে ২টি ব্যতীত বাকী সবগুলো প্যাকেজের দরপত্র হয়ে গিয়েছে।

**সিদ্ধান্ত:**

(ক) সকল প্যাকেজের টেন্ডার প্রক্রিয়া নভেম্বর, ২০২২ এর মধ্যে সম্পন্ন করতে হবে;

(খ) সময়াবদ্ধ(Time Bound) কর্মপরিকল্পনা অনুযায়ী কার্যক্রম বাস্তবায়ন করতে হবে এবং প্রকল্পের মেয়াদ বৃদ্ধির প্রবণতা পরিহার করতে হবে।

**(ঝ) কারা অধিদপ্তরের বরাদ্দবিহীন (সবুজ পাতায় অন্তর্ভুক্ত) অননুমোদিত নতুন প্রকল্পের সর্বশেষ অগ্রগতির বিবরণ:**

ক্র:নং	প্রকল্পের নাম	আলোচনা ও সিদ্ধান্ত	বাস্তবায়নকারী কর্তৃপক্ষ
১.	বঙ্গবন্ধু শেখ মুজিব কারা প্রশিক্ষণ একাডেমী নির্মাণ প্রকল্প (০১/০৭/২০২২ থেকে ৩০/০৬/২০২৫)	প্রকল্পটির ফিজিবিলাটি স্টাডি সম্পন্ন করে সুরক্ষা সেবা বিভাগে পুনর্গঠিত ডিপিপি প্রেরণ করতে হবে।	কারা অধিদপ্তর
২.	অ্যাশুলেন্স, নিরাপত্তা সংক্রান্ত গাড়ী ও যন্ত্রপাতি সংগ্রহ এবং প্রশিক্ষণের মাধ্যমে কারা অধিদপ্তরের আধুনিকায়ন প্রকল্প ( ০১/০৭/২০২২ হতে ৩০/০৬/২০২৫)	প্রকল্পের ডিপিপি'র উপর যাচাই কমিটির সভা ২৮/০৮/২০২২ তারিখে অনুষ্ঠিত হয়েছে। সভার সিদ্ধান্ত মোতাবেক ডিপিপি পুনর্গঠন করে ডিসেম্বর, ২০২২ এর মধ্যে সুরক্ষা সেবা বিভাগে প্রেরণ করা হবে।	কারা অধিদপ্তর
৩.	কেন্দ্রীয় কারা হাসপাতাল, কেরানিগঞ্জ নির্মাণ প্রকল্প (০১/০৭/২০২২ হতে ৩০/০৬/২০২৫)	প্রকল্পটির ফিজিবিলাটি স্টাডি সম্পন্ন করে সুরক্ষা সেবা বিভাগে পুনর্গঠিত ডিপিপি প্রেরণ করতে হবে।	কারা অধিদপ্তর
৪.	এ্যাকসেস টু জাস্টিস থু প্রিজন এন্ড পলিসি রিফর্মস প্রকল্প (০১/০৭/২০২২ হতে ৩০/০৬/২০২৩)	কারিগরি সহায়তায় প্রকল্পের TAPP ভেত অবকাঠামো বিভাগের পর্যবেক্ষণের আলোকে TAPP পুনর্গঠনের জন্য ১১/০৮/২০২২ তারিখে কারা অধিদপ্তরে প্রেরণ করা হয়েছে। ডিপিপি পুনর্গঠন করে ডিসেম্বর, ২০২২ এর মধ্যে সুরক্ষা সেবা বিভাগে প্রেরণ করতে হবে।	কারা অধিদপ্তর

অতিরিক্ত সচিব (উন্নয়ন) প্রকল্প পরিচালকগণকে সভার সিদ্ধান্তসমূহ আন্তরিকতার সাথে বাস্তবায়নের জন্য অনুরোধ করেন। সভাপতি প্রকল্প বাস্তবায়ন কাজের সকল পর্যায়ে সময় (তারিখ/মাসের নাম) উল্লেখ করার নির্দেশনা প্রদান করেন। এছাড়া প্রকল্প পরিচালকগণ মাসভিত্তিক অগ্রগতির প্রতিবেদনে ইতোপূর্বে অনুষ্ঠিত পিএসসি সভার সংখ্যা ও তারিখ উল্লেখ করবেন। তিনি বলেন যে, উন্নয়ন প্রকল্পের যে সকল কার্যক্রম বার্ষিক কর্মসম্পাদন চুক্তির অন্তর্ভুক্ত সেগুলো অগ্রাধিকার ভিত্তিতে যথাযথভাবে বাস্তবায়ন করতে হবে এবং মাসিক প্রকল্প পর্যালোচনা সভায় এর অগ্রগতি পর্যালোচনা করতে হবে।

১০। আর কোন আলোচ্য বিষয় না থাকায় উপস্থিত সকলকে ধন্যবাদ জানিয়ে সভার সমাপ্তি ঘোষণা করা হয়।

মোঃ আবদুল্লাহ আল মাসুদ চৌধুরী

সচিব

স্মারক নম্বর: ৫৮.০০.০০০০.০৯৩.০৬.০০১.১৭.৩৪২

তারিখ: ২৩ অগ্রহায়ণ ১৪২৯

০৮ ডিসেম্বর ২০২২

বিতরণ (জ্যেষ্ঠতার ক্রমানুসারে নয়) :

- ১) সিনিয়র সচিব, অর্থ বিভাগ
- ২) সচিব, বাস্তবায়ন পরিবীক্ষণ ও মূল্যায়ন বিভাগ
- ৩) সদস্য, সাধারণ অর্থনীতি বিভাগ (সদস্য)-এর দপ্তর, পরিকল্পনা কমিশন
- ৪) সদস্য, কার্যক্রম বিভাগ (সদস্য)-এর দপ্তর, পরিকল্পনা কমিশন
- ৫) সদস্য, ভৌত অবকাঠামো বিভাগ (সদস্য)-এর দপ্তর, পরিকল্পনা কমিশন
- ৬) সদস্য, আর্থ সামাজিক অবকাঠামো বিভাগ (সদস্য)-এর দপ্তর, পরিকল্পনা কমিশন
- ৭) সচিব, গৃহায়ন ও গণপূর্ত মন্ত্রণালয়
- ৮) মহাপরিচালক, ইমিগ্রেশন ও পাসপোর্ট অধিদপ্তর
- ৯) মহাপরিচালক, মাদকদ্রব্য নিয়ন্ত্রণ অধিদপ্তর
- ১০) মহাপরিচালক, ফায়ার সার্ভিস ও সিভিল ডিফেন্স অধিদপ্তর
- ১১) কারা মহাপরিদর্শক, কারা অধিদপ্তর
- ১২) অতিরিক্ত সচিব, নিরাপত্তা ও বহিরাগমন অনুবিভাগ, সুরক্ষা সেবা বিভাগ
- ১৩) অতিরিক্ত সচিব, মাদকদ্রব্য নিয়ন্ত্রণ অনুবিভাগ, সুরক্ষা সেবা বিভাগ
- ১৪) অতিরিক্ত সচিব, উন্নয়ন অনুবিভাগ, সুরক্ষা সেবা বিভাগ
- ১৫) অতিরিক্ত সচিব, অগ্নি অনুবিভাগ, সুরক্ষা সেবা বিভাগ
- ১৬) প্রধান প্রকৌশলী, প্রধান প্রকৌশলীর দপ্তর, গণপূর্ত অধিদপ্তর
- ১৭) প্রধান স্থপতি, স্থাপত্য অধিদপ্তর
- ১৮) প্রধান হিসাব রক্ষণ কর্মকর্তা, স্বরাষ্ট্র মন্ত্রণালয়, সিজিএ ভবন, সেগুন বাগিচা, ঢাকা
- ১৯) যুগ্মসচিব, পরিকল্পনা অধিশাখা, সুরক্ষা সেবা বিভাগ
- ২০) উপসচিব, পরি-১ শাখা, সুরক্ষা সেবা বিভাগ
- ২১) সচিবের একান্ত সচিব, সচিব-এর দপ্তর, সুরক্ষা সেবা বিভাগ
- ২২) প্রোগ্রামার, আইসিটি সেল, সুরক্ষা সেবা বিভাগ
- ২৩) মাননীয় মন্ত্রীর একান্ত সচিব, মন্ত্রীর দপ্তর, স্বরাষ্ট্র মন্ত্রণালয়



অঞ্জন কুমার সরকার  
সিনিয়র সহকারী সচিব